



**JUNE 2021**

Volume 8 - Issue 32

# **The Salvation News**



**“I appeal to you, brothers and sisters, in the name of our Lord Jesus Christ, that all of you agree with one another in what you say and that there be no divisions among you, but that you be perfectly united in mind and thought.**

**- 1 Corinthians 1:10**





# THE SALVATION NEWS

*Koo Kuum Zoo*



COPYRIGHT © 2010-2021 by **The Salvation News**  
All Rights Reserved. Revised 2019

No part of this publication may be reproduced in any form or by any means without the publisher's prior written permission

# THE COVER

April - June 2021  
Vol. 8 - Issue 32

## Welcome BACK!

# Table of Contents

## ARTICLES

- 4 **Worship Location**  
*Chaw Teevhawm Vajtswv*
- 5 **Twv Vajluskub**  
*Koj Paub Vajluskub Npaum Licas?*
- 6 **Npaj Rau Theem Tomntej**  
*by Vachinzong Lor*
- 10 **Tsis Txhob Thim**  
*by Chu-Yin T. Her*
- 16 **Peb Ntseeg (We Believe)**  
*SCG 14th Doctrines*
- 17 **Word of Wisdom**



# Hallelujah!







**CALIFORNIA LOCATION:**

1. **Fresno Salvation Church of God**  
4626 E. Dakota Ave, Fresno, CA 93726  
Pastor Xenger Jeremy Xiong, (559) 310-0229  
Lead Deacon Timothy Xiong, (559) 301-5992
2. **Living Gospel Salvation Church of God**  
918 Sierra Drive (*Worship Address*)  
Modesto, CA 95351  
Pastor Leng W. Xiong, (209) 556-4285  
Elder Cherzong Xiong, (209) 331-3561
3. **Marysville Salvation Church of God**  
5286 Feather River Blvd. (*Worship Address*)  
Olivehurst, CA 95961  
Tubtxib Kou Yang (Tswv Pab), (530) 218-6851

**MINNESOTA LOCATION:**

4. **Hmong Salvation Church of God**  
540 Wheelock Pky E, (*Worship Address*)  
St. Paul, MN 55106  
Rev. Sia Ge Kong, (612) 760-2678
5. **Redeemer Salvation Church of God**  
5050 Hodgson Road (*Worship Address*)  
Shoreview, MN 55126  
Pastor Chueneng Yang, (612) 845-9305  
Asst. Pastor Chentzeng Vaugh, (612) 280-8444

**WISCONSIN LOCATION:**

6. (New Congregation)  
**Madison Salvation Church of God**  
5301 Commercial Ave. (*Worship Address*)  
Madison, WI 53704  
Elder Ger Vang, (608) 658-6912  
Deacon Pao Moua, (414) 477-2477
7. **Milwaukee Salvation Church of God**  
7256 W. Center Street (*Worship Address*)  
Wauwatosa, WI 53210  
Rev. Vachinzong Lor, (414) 731-2160  
Elder Thai John Xiong, (414) 239-4894



8. **New Salvation Church of God**  
3565 Finger Road, Green Bay, WI 54311  
Pastor Anthoni Kao Her, (920) 784-8696  
Elder Chong Thong Ly, (920) 246-5474

**FLORIDA LOCATION:**

9. Florida's Congregation  
19655 Willow Road, Wimauma, FL 33598  
Elder Walong Lo, (941) 786-0369

# Twv Vajluskub

## Koj Paub Vajluskub Npaum Licas?

### A: Xaiv seb nqe lus teb twg thiaj li yog

Tej Zaubmov Nyob Hauv Vajluskub

1. Cov mov uas Vajtswv tso saum ntuj los rau Yixalayeess haivneeg noj thaum lawv nyob tom tiajsuabpuam yog abtsi?
  - A. Zibntab
  - B. Mana
  - C. Pobkws
  - D. Txiv Tsawb
2. Tomqab Yexus sawv hauv qhov tuag rovqab los Yexus tshwm rau 7 tus thwjtim nyob rau ntawm ntug dej. Nws npaj tau ibco mov thiab cev rau lawv noj. Cov mov ntawd yog abtsi?
  - A. Nquab & Yaj
  - B. Mana & Noog
  - C. Ntses & Ncuav
  - D. Ncuav & Dej
3. Thaum Vajntxwv Xa-u cov theejcom mus tua cov Filixatees, Vajntxwv Xa-u txwv cov theejcom kom lawv tsis txhob noj mov ua ntej lawv tua tau cov Filixatees. Vajntxwv Xa-u tus tub Yaunathas tsis hnov tej uas Vajntxwv Xa-u txwv tsis pub noj ces nws txawm mus noj ib qho mov lawm. Cov mov ntawd yog abtsi?
  - A. Ntses
  - B. Dej
  - C. Zibntab
  - D. Zaub iab

### B: Sau qhov lus teb rau ntawm txoj kab

4. Yauhas tus muab neeg ua kevcai rausdej tej

zaub hmov yog \_\_\_\_\_ thiab \_\_\_\_\_?

5. Nws muab tej txiv \_\_\_\_\_ rau kuv noj kom kuv rov muaj zog, thiab muab txiv \_\_\_\_\_ rau kuv noj ua rau kuv laj siab kawg.
6. Yuav noj zaub tsuag tsis rau \_\_\_\_\_ tau lov?

### C: Tseeb los Tsis Tseeb

7. Vajtswv tso ntsees thiab mana rau Vajtswv haivneeg Yixalayeess noj thaum lawv nyob rau tom tiajsuabpuam. \_\_\_\_\_
8. Yexus muab nquab thiab ncuav faib rau 4,000 txhiab leej no. \_\_\_\_\_
9. Xaxoo pom ib tug tsov ntxhuav lub cev tuag rau ntawd, ua ca muaj ib xub ntab nyob hauv. Nws txawm cev tes kaus cov zibntab ntawd los noj. \_\_\_\_\_

### D: Leejtwg yog tus hais qhov lus no?

10. "Kuv pub koj noj txhua yam txiv ntoo uas nyob hauv lub vaj no." \_\_\_\_\_
11. "Lub ncuav no yog kuv lub cev, nej cia li txais mus noj." \_\_\_\_\_
12. "Tus Tswv, kuv yeej ibtxwm tsis noj tej uas kevcai txwv tsis pub noj." \_\_\_\_\_





# Npaj Rau Theem TOMNTEJ

Vachinzong Lor Milwaukee, Wisconsin

Yawmsaub hais tias,  
“Kuv paub tej uas  
kuv npaj tseg rau  
nej, yog tej uas  
yuav ua rau nej tau  
zoo tsis yog ua rau  
nej tau qhov phem,  
yuav pub kom nej  
muaj lub neej tom  
hauv ntej  
thiab  
muaj siab  
vam.



- Yelemis 29:11

**T**soom  
thawjneeg  
thiab  
pejxeem  
zwm npe  
lees ua  
tswvtsev rau hauv  
Salvation Church of God,  
Inc., twb npaj txhij tegnum  
coj sawvdaws tuaj koom  
hauv lub rooj Conference  
nyob St. Paul, Minnesota  
hauv xyoo 2020 thaum lub  
caij ntuj sov (summer).  
Nyob hauv tus lajtxheej  
Conference 2020 muaj  
tegnum xaiv tsa cov  
thawjneeg tshiab los tuav  
num hauv Salvation Church  
of God Main Office.

Vim muaj kab mob Covid-19,  
cov thawjneeg tegnum npaj lub  
rooj sib ntsib conference ntawm  
Salvation Church of God Main  
Office raug muab ncu. Kev  
xaiv tsa cov thawjneeg los raug  
muab ncu thiab npaj siab tias  
xaus xyoo 2020 nyaj kab mob  
Covid-19 yuav dua tabsi tsis yog  
li siab xav. Plaub (4) lub hlis  
tomqab 2021 tshwm tuaj, tsoom  
nomtsww tshwjxeeb cov tuav  
tegnum saib kev nojqab hauvhuv

hauv tsoomfwv CDC tshaj tawm  
tias txog caij ntuj kub nyaj kab  
mob yuav dhau yog tias,  
pejxeem sawvdaws koomtes sib  
pab txuag thiab xav tshuaj  
ntseeg tias kab mob yuav dua  
mus lossis seb txhua yam puas  
rov qhib. Yog vim li hais,  
Salvation Church of God Main  
Office npaj tsis yeej tegnum tsim  
tsa SCG lub rooj sibntsis  
Conference rau hauv xyoo 2021  
lub caij ntujkub. Dhau li tej hais  
los saum no, coob leej cov  
thawjneeg hauv Salvation  
Church of God pom tias kab  
mob tsis tau xaus tu qab, txawm  
peb Salvation Church of God  
tsim tsa muaj rooj conference  
thiab kev xaiv tsa los xyov  
sawvdaws puas koom? Feem  
coob ntseeg tias ntshai yuav tsis  
koom.

Lub 5 hlis 2021 dhau los, tsoom  
thawjneeg tuav num hauv Salva-  
tion Church of God Main Office  
kev sablaj, sawvdaws pomzoo  
muaj kev xaiv tsa cov thawjneeg  
los tuav num rau xyoo 2021-  
2023 xaus. Sawvdaws txaus  
siab thiab npaj muaj kev xaiv  
tsa hauv ntawv raws cov pawgn-  
tseeg. Lub 7 hlis thiab mus rau  
lub 9 hlis yog kev khav  
(campaign) thiab tawm suab  
txaus siab (volunteer) tuaj tuav  
cov luag num ua thawjneeg hauv



SCG Main Office. Salvation Church of God Main Office yuav tshaj tawm txog cov tibneeg uas txaus siab lossis khav (campaign, volunteer) tuaj qhia rau tsoom pejxeem hauv cov pawgntseeg.

Lub 10 hli txog lub 11 hlis tim 15 yog kev xaiv tsa raws cov pawgn-tseeg.

Salvation Church of God Main Office yuav teem sijhawm nrog tsoom thawjneeg hauv cov pawgntseeg tham kom sawvdaws paub meej txog tegnum xaiv tsa sub thaum txog sijhawm xaiv tsa, sawvdaws thiaj totaub zoo txog tegnum xaiv tsa.

East Fork Family & Outdoor Group Campground  
Black River Fall, Wisconsin  
June 25-27, 2021


## Milwaukee SCG Church Camping

**X**yoo 2020 yog ib xyoos txhua yam raug muab tso twjywm tseg. Tej tibneeg nyob thooob qhov txhia chaw raug nyob hauv tsev, caiv tsis tawm vim kab mob Covid-19 huam loj thooob ntiajteb. Tsoom-fwv, tsoom thawjneeg tuav teb-chaws txwv tsis pub tibneeg tawm thiab tsis pub koom nyob ua pab ua pawg. Kev teev hawm, txoos ua-ke rau kev nojhaus, sablaj, thiab lwm yam num tuaj sibsau ua-ke los raug cheem tsis pub muaj. Kab mob Covid-19 huam li hais ua rau txhua leej tib-

neeg nyias nkaum nyias thiab siv lub peevxwm los tivthaiv kab mob thiab txuag tuskheej kom zoo npaum zoo tau. Tegnum caiv thiab nkaum raws nomtsww soblus tswj tsis pub pejxeem tawm kom tsis txhob kis kab mob yog ib tegnum zoo vim nws pab thiab txuag tau tibneeg txojisia.

Vim tus xwmtxheej caiv kab mob li hais, cov thawjneeg hauv Milwaukee Salvation Church of God tegnum coj pejxeem mus pw havzoov (camping) raws li txhua xyoo raug muab ncuu hauv xyoo 2020. Ua tsaug Vajtsww pab txhua yam thiab tus teebmeem kab mob Covid-19 dhau mus





thiab tej chaw ua si rov qhib. Tegnum rau tibneeg kev ua-neej rov qhib thiab tibneeg majmam tawm mus ub mus no tabsi yeej ceefvaj rau kev tawm mus los nkawg nkaus.

Lub 6 hli tim 25-27, 2021, cov thawjneeg hauv Milwaukee Salvation Church of God koj cov ntseeg mus pw havzoov (camping) rau ntawm Black River Fall State Park, Wisconsin. Txhua leej ntawm cov ntseeg uas npaj mus pw havzoov, sawvdaws npaj mus sibntsib rau ntawm chaw pw havzoov hauv hnuv Friday, June 25, 2021 thaum 4:00 PM nyob ntawm Black River Falls, Wisconsin.

Milwaukee Salvation Church of God cov ntseeg tegnum mus pw havzoov (camping) zaum no tau txiajntsim zoo heev rau cov mus vim sawvdaws tau lub chaw outdoor camp ground uas nyob nrug deb lwm pab tibneeg tuaj pw havzoov. Nws yog ib qho zoo heev rau cov mus koom kev pw havzoov vim tsis muaj lwm tus tab-

kaum.

Kev pw havzoov (camping) zaum no tsis yog cov pejxeem hauv Milwaukee Salvation Church of God xwb tabsi Xibfwb Txheejtxheem Vaj tsevneeg thiab Yeejtseeb Lauj tsevneeg, pejxeem hauv pawgntseeg Redeemer Salvation Church of God nyob Minneapolis mus koom ua ke rau kev pw havzoov (camping). Dua

li cov yog pejxeem hauv Milwaukee Salvation Church of God, yog pejxeem feemcoob ntawm Milwaukee Salvation Church of God muaj num tabkaum mus koom tsis tau raws kev npaj tseg.

Muaj ib yam tshwjxeeb yog tus txivtsev thiab tus niamtsev, Vam Tswb Tswb, nkawv txaus siab hlo tua ib tug npua kheej thauj mus rau pem chaw pw havzoov (camping) yog npaj rau cov mus pw havzoov ci rau sawvdaws noj. Zaum no tsis yog thawjzaug Vam Tswb tua npua koj mus noj thaum cov ntseeg mus pw havzoov (camping) tabsi Vam Tswb twb tua npua rau cov ntseeg hauv Milwaukee Salvation Church of God koj mus ua noj rau thaum muaj kev pw havzoov (camping) ntau xyoo yav tag dhau los. Ntxiv ntawd, Xibfwb Txheejtxheem nqa nqaij npuateb, ntses, txiv taubntoos siv tuavqaub thiab nqaij nas. Cov hluas nqa txhua hom khoom yoojyim rau kev ua noj koj mus ntxiv rau kev nojhaus. Sawvdaws muaj kev lomzem, nyob zaum tham, ci nqaij ua zaubmov, nojhaus, thiab pw yam txaus siab kawg. Muaj ob yam tsis zoo thiab ua rau sawvdaws








kev lomzem tsis tau puvnpo yog vim:

1. Lub chaw muaj dejkub dejtxias, chaw siv dadej nyob deb ntawm campground kwvyees 25 miles. Ntawm lubchaw Outdoor Campground tsis

muaj chaw siv dadej (no shower facility) yog li yuav tau siv sijhawm mus dadej rau ntawm family campground lossis ze campground lub chaw ua num.

2. Hnub Saturday tomqab 12:00

PM, nag pib los thiab los nag mus txog ntua Sunday sawvntxov 4:00 AM mam tu. Vim li ntawd, kev pw havzoov (camping) zaum no, sawvdaws tsis tau sijhawm mus taug kev (hiking) raws tegnum npaj mus taug kev (hiking plan).



Hnub Sunday yog ib hnub tshavntuj zoo, sawvdaws sawv npaj ua zaubmov koom kev nojhaus txaus thiab tunra thiab npaj rov mus tsev. Txawm los nag rau hnub Saturday los sawvdaws zoo siab thiab tsis muaj leejtwg yws, sawvdaws txaus siab kawg vim tau sijhawm mus pw havzoov nyob relax thiab just to have good time.



# TSIS TXHOB THIM

CHU-YIN T. HER Carmichael, California

“Koj yuav tsum ua siab tawv qhawv tsis txhob ntshai leejtwg thiab koj raws li tej kevcai uas kuv tus tubtxib Mauxes muab rau koj lawm. Koj tsis txhob tso ib nqe tseg li, koj thiaj yuav kovyeej txhua qhov chaw uas koj mus.”—Yausuas 1:7

# M

uaj ib txoj nkauj hu hais tias *“Kuv twb xaiv tag lawm kuv yuav ntseeg Yexus mus. Txawm yog kwvtij tsis ntseeg kuv yeej yuav ntseeg mus.”*

Koj puas yog ib tug uas yuav ntseeg Yexus Khetos mus kom kawg? Lossis thaum koj ntsib kev nyuaj siab quaj ntsuag ces koj thim rovqab? Nco ntsoov Vajtswv cov lus hais tseg nyob rau hauv Vajluskub hais tias Vajtswv yuav tsis ncaim koj thiab yuav tsis tso koj tseg kiag li (Henplais 13:5, Kevcai 31:8). Yog Vajtswv twb tuaj koj tog lawm koj tseem yuav thim rovqab ua abtsi? Tsis txhob thim tiamsis rau siab ntseeg Vajtswv thiab mus koj neeg los cuag Vajtswv.

Lub ntiajteb no hloov lawm

zujzus. Tsis txhob qaug rau tej khoom hauv lub ntiajteb no vim tej ntawd yuav koj koj mus tsis txog Vajtswv lub ceebtsheej. Koj ib leeg xwb thiaj koj tau koj mus rau Vajtswv lub ceebtsheej.

Yuav ua licas koj thiaj mus txog Vajtswv lub ceebtsheej? Tswv Yexus hais tias koj yuav tsum yug dua tshiab hauv Vajtswv tus Ntsujplig thiab ua kevcai rausdej mas koj thiaj mus tau rau hauv Vajtswv lub ceebtsheej (Yauhas 3:1-8; Tes Haujlwm 2:1-13).

Tus ntseeg Vajtswv tiag nws yuav tsum cia siab rau Yexus

Khetos. Tsis txhob tig rovqab saib lub neej yav tag los tiamsis yuav tsum rau siab ntso ua nws lub neej kom zoo kawg nkaus rau yav tom ntej. Muaj ib hnuv Vajtswv yuav rov qab los. Tus Tswv yuav muab nqi zog rau tus uas mus txog tom tus ciam tom kawg. Koj puas xav yog tus ntawd?

Yuav ua licas koj thiaj nyob ruaj khov? Vajluskub hais tseg nyob rau hauv Yausuas 1:9 hais tias peb “cia li ua khov kho thiab ua siab loj siab tuab, tsis txhob ntshai tsis txhob poob siab kiag li, rau qhov koj mus rau qhovtwg



Yawmsaub uas yog koj tus Vajtswv yeej nrog nraim koj.”

Yuav ua licas koj thiaj tsis tig saib rov qab? Vajluskub hais nyob rau hauv Filipis 3:14 hais tias “Yog li ntawd, kuv thiaj li khiav ncaj nraim mus rau tus ciam tom kawg kom kuv tau nqi zog. Qhov nqi zog ntawd yog txojhia ntev dhawv mus ibtxhis uas Vajtswv khaws cia rau saum ntuj ceebtsheej tos peb cov uas ntseeg Yexus Khetos.”

Kuv yuav tsis thim rovqab vim tias Vajtswv twb pab kuv ntau zaus lawm. Ib qho uas Vajtswv pab kuv yog thaum kuv tseem me-me kuv tsis muaj ntshav txaus. Lus mabdawb hu ua anemia. Kuv yuagx tshuav pobtxha lawm xwb vim ntshav tsawg. Ua Vajtswv tsaug uas muaj ib tug ntseeg uas yog neeg pojniam Fabkis tuaj pom kuv tim hoobmaum ces nws txawm hlubx kuv heev. Nws thiaj muab nws ibco ntshav rau kuv. Dhau ntawv kuv txiv mus thov ibco theejcom (soldiers) seb puas muaj leejtwg kam nrho ibco ntshav rau kuv. Muaj ob tug theejcom txaus siab rho ntshav pab kuv. Twb vim yog Vajtswv qhib lawv lub siab, lawv thiaj kam rho ntshav los ntxiv rau kuv. Niaj hnuv nimno kuv thiaj muaj neej nrog luag ua vim yog Vajtswv pab kuv. Koj ne, qhov uas Vajtswv pab koj yog licas?

Vajtswv yog txojkev hlub. Vajtswv hlub peb tibneeg ntiajteb kawg nkaus nws thiaj tso nws Leej Tub, Tswv Yexus los tuag theej peb lub txhoj (Yauhas 3:16). Nws tsis suav peb qhi. Nws tsis hais kom peb them rovqab. Nws pub dawbx rau peb xwb. Tsis muaj ib tug vajtswv uas muaj lub siab hlub npaum li tus Vajtswv uas tsim ib puas tsav yam. Yog lino, koj yuav xaiv tus twg?

Kuv twb xaiv tag lawm kuv yuav ntseeg Yexus mus. Txawm yog kwvtij tsis ntseeg los kuv yeej yuav ntseeg mus. Koj puas yuav ntseeg Yexus mus kom kawg? Tsis txhob thim tiamsis ntseeg Vajtswv mus kom kawg. Amees!



# WELCOME BACK!

TSWV PAB YANG Marysville, California



“Children’s children are a crown to the aged,  
and parents are the pride of their children.”

- Proverbs 17:6

## NEWS FROM MARYSVILLE



With the lifting of restrictions in California, Marysville SCG has started in-person church attendance again. To encourage everyone back, we made sure to have masks readily available, a sanitizing station for our members and made minor adjustments to our services.





I

*n appreciation of Mother's Day, we honored the women of our church with a bouquet of spring flowers. This was to honor their strength and versatility in holding together their family, while ensuring everyone stays safe and calm*





**On**

the longest day of the year, which also happens to be the day we celebrated Father's Day, we started with an early morning game of kickball, BBQ, swimming, basketball and ended with an evening game of flag football. With a year of staying indoors, our goal was to get everyone out of the house and being active with each other. Health and wellness is our goal for our members this year, not only physically but socially, mentally, and spiritually.







We hope everyone is staying safe, being active and we look forward to continuing to share our church activities and journey with everyone.  
- Marysville SCG



# Peb Ntseeg

## We Believe

### **Tib Tug Vajtswv Xwbnkaus (The One True God)**

Muaj tib tug Vajtswv xwbnkaus. Nws yog tus tsim ntuj tsim teb thiab Nws yeej ibtxwm nyob thaum chivkeeb los lawm. Tus TSWV xeemxwm yog vajpebleeg: Leej Txiv, Leej Tub, Yexus Khetos, thiab Vajntsujplig tus Dawbhuv. Efex. 4:6; I Tim. 2:5

### **Vajtswv Txojlus (The Holy Scripture Inspired)**

Phau Vajlugkub Qub thiab Vajlugkub Tshiab yog Vajtswv Txojlus tseeb. Vajtswv Txojlus tsis muaj ib qho yuamkev thiab yog Txojlus qhia peb ua neej. II Tim. 3:16

### **Kev Tsim (The Creation)**

Vajtswv tsim noobneej muaj Vajtswv tus yamntxwv zoo li Nws. Vajtswv tsim txhua yam uas peb lub qhovmuag pom, qhovmuag tsis pom, yam uas nyob saum ntuj, nyob hauv ntiajteb, yam uas nyob hauv qab vuamsaws uas muaj nyob thiab tsis muaj nyob huv tibi. Chiv. 1:1, 27; 2:4; Yauh. 1:3

### **Noobneej Poob Kev Txhaum (The Fall of Man)**

Noobneej yog Vajtswv tsim los nrog Vajtswv sib raug zoo. Vim noobneej tsis mloog Vajtswv lus, noobneej thiaj noj lub txiv ntoo uas txwv tsis pub noj, noobneej thiaj tau txais lub cim tuag. Chiv. 2:16-17; 3:6

### **Kev Cawmdim (The Redemption [Salvation])**

Kev cawmdim yog los ntawm Vajtswv tus Tub, Yexus Khetos. Nws yug los ua neeg thiab nws yog Vajtswv. Nws tsis muaj ib qho kev txhaum thiab nws cov ntshav los ntxhuav peb lub txim. Mt. 1:18, 22-23; Efex. 1:7

### **Koom Ua Ib Lubcev Ntawm Tswv Yexus (The Body of Christ [The Church])**

Txhua tus ntseeg uas nyob thooimplaws txhua lub tebchaws, txawm hais yam lus twg, nyob deb lossis nyob zeb puavleej koom ib lub cev ntawm Tswv Yexus. Lk. 22:19-20; Efex 4:3-5; 5:23

### **Tus Ntsujplig Uas Dawbhuv (The Holy Spirit)**

Vajntsujplig tus Dawbhuv yog tus pab uas Yexus Khetos txib los pab peb thiab txhawb peb lub zog. Tus uas ntseeg Yexus Khetos tus ntawd yuav tau ua kevcav rausdej thiab yug dua tshiab hauv Vajntsujplig tus Daw-

bhuv. Yauh. 7:37; Tes Hauj. 4:8

### **Lub Neej Dawbhuv (The Sanctification)**

Tus ntseeg nws yuav tsum ua nws lub neej dawbhuv. Nws muab tej kev phem kev qias tso povtseg. Nws muab nws lub neej fij tagrho rau Vajtswv. Loos 12:1-2

### **Tshaj Txojmoo Zoo (The Great Commission)**

Vajtswv samhwm kom cov ntseeg cia li tawm mus qhia txojmoo zoo rau txhua haivneeg hauv qab ntuj no kom hnov, paub, ntseeg, thiab los txais Tswv Yexus los ua lawv tus Tswv thiab tus Cawmseej. Mt. 28:19-20

### **Kev Khomob (The Divine Healing)**

Lub hwjchim khomob nkeeg, ntiab dab, thiab tej txujci yog los ntawm Yexus Khetos. Nws pub nws lub hwjchim rau nws cov tubtxib siv. Mt. 8:3; Lk. 8:26-33

### **Tus Neeg Tuag Lawm Yuav Ciaj (The Blessed Hope)**

Thaum tus Tswv Yexus Khetos rov qab los saum ntuj los, cov ntseeg uas pw tsaug zog (nruamsim) lawm yuav sawv rov qab los. Cov ciaj thiab cov tuag yuav mus ntsib tus Tswv Yexus Khetos sawm ib nta ntuj. I Thex. 4:16-17

### **Tswv Yexus Kav 1,000 Xyoo (The Millennium Reign of Christ)**

Cov ntseeg uas dawbhuv yuav nrog Yexus Khetos kav ibtxhiab xyoo ua ntej yuav muaj kev txiavtxim zaum ob. Tshwmsim 20:4-6

### **Kev Txiavtxim Thaum Kawg (The Final Judgment)**

Txhua tus neeg tsis hais tus uas muaj sia thiab tsis muaj sia lawm yuav tau los sawv ntawm tus Tswv lub rooj Txiavtxim. Tus Tswv yuav txiavtxim raws li nyias te- gnum ua yav tag los. Tshwmsim 20:14-15

### **Lub Ceebtsheej Tshiab Thiab Ntiajteb Tshiab (The New Heaven and New Earth)**

Lub ntuj Ceebtsheej Tshiab thiab Ntiajteb Tshiab yuav tshwm tuaj. Lub ceebtsheej qub thiab ntiajteb qub yuav ploj mus. Cov ntseeg Yexus Khetos yuav mus nyob hauv lub ceebtsheej thiab lub ntiajteb tshiab mus ibtxhis. Tshwmsim 21:1-4, 27



Be very careful, then, how you live—not as unwise but as wise, making the most of every opportunity, because the days are evil.”

- Ephesians 5:15-16

**Answer from Page: 5**

1. B. Mana (Khiav Dim 16:31)
2. C. Ntses & Ncuav (Yauhas 21:13)
3. C. Zib Ntab (1 Xamuyees 14:27)
4. Kooj, Zib Ntab (Mathais 3:4)
5. Hmab Qhuav, Duaj (Xalumoo Tej Nkauj 2:5)
6. Ntsev (Yauj 6:6)
7. Tsis Yog (Khiav Dim 16)
8. Tsis Yog (Mathais 29:39)
9. Yog (Cov Thawj 14)
10. Vajtswv (Chivkeeb 2:15)
11. Yexus (Mathais 26:26)
12. Petus (Tes Haujlwm 10:14)

Salvation Church of God, Inc.  
The Salvation News  
PO Box 1204  
Olivehurst, CA 95961

Copyright © 2021 by SCG. All Rights Reserved. No part of this publication may be reproduced in any form or by any means without the publisher's prior written permission.

## ***News Report***



Caw tsoom xibfwb, txwjlaug,  
fajthwj, niamtsev, txivtsev  
thiab tub-ntxhais hluas  
yog nej muaj xovxwm zoo  
xav muab tsotawm,  
email rau  
Xf. Tswv-Yeej T. Hawj.

**Newsletters** are posted quarterly.

Visit SCG website:  
[www.salvationchurchofgod.org](http://www.salvationchurchofgod.org)  
Email: [cher@salvationchurchofgod.org](mailto:cher@salvationchurchofgod.org)



**Salvation Church of God, Inc. Main Office**  
4626 E. Dakota Ave • Fresno, CA. 93726 | Telephone: (414) 232-3844 • (530) 218-6851  
Email: [scgmainoffice@salvationchurchofgod.org](mailto:scgmainoffice@salvationchurchofgod.org) | Website: [www.salvationchurchofgod.org](http://www.salvationchurchofgod.org)